

ԱՐԶԱՆԱԳՐՈՒԹՅՈՒՆ

ՀՀ Լոռու մարզ, Փամբակ խոշորացված համայնք, Վահագնաձորի բնակավայր
Ամսաթիվ. 2025 թվականի հոկտեմբերի 15, ժամը 12:00

Համաձայն ՀՀ «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի (ՀՕ-150-Ն) և ՀՀ կառավարության 2023 թվականի դեկտեմբերի 28-ի N 2343-Ն որոշման հավելվածի պահանջների՝

ՀՀ Լոռու մարզի Փամբակ խոշորացված համայնքի Վահագնաձոր բնակավայրի վարչական շենքում կայացավ «ԷՎԵԼ ՊԻՍ» ՍՊԸ-ի կողմից նախատեսվող փոքր հիդրոէլեկտրակայանի (ՓՀԷԿ) նախագծի Շրջակա միջավայրի վրա ազդեցության գնահատման հաշվետվության առաջին հանրային քննարկումը:

ԵԼՈՒՅԹՈՎ ՀԱՆԴԵՍ ԵԿԱՎ

1. Է. Եղոյան, Լոռու մարզի Փամբակ խոշորացված համայնքի Վահագնաձորի բնակավայրի վարչական ղեկավար — բացման խոսքով ողջունեց քննարկման մասնակիցներին և կարևորեց համայնքային մասնակցության դերը նման ծրագրերի իրականացման գործընթացում:
2. Տ. Նավասարդյան, «Գագիկ Գևորգյան» ԱԶ ներկայացուցիչ — ներկայացրեց նախատեսվող գործունեության փորձաքննական գործընթացը, կիրառվող մեթոդաբանությունը, շրջակա միջավայրի ելակետային տվյալները, ինչպես նաև տեխնոլոգիական մասի բնապահպանական կողմերը:
3. Ա. Գրիգորյան, նախագծային և մեթոդական ղեկավար կազմակերպության տնօրեն — ներկայացրեց նախագծի տեխնիկական ցուցանիշները, ինչպես նաև ընկերության կողմից նախատեսվող շրջակա միջավայրի կառավարման միջոցառումները, շինարարական և շահագործման փուլերի հնարավոր ռիսկերը: Բացի այդ, անդրադարձ կատարվեց կիրառվող անադմուկ տեխնոլոգիաներին և դրանց բնապահպանական առավելություններին:

ՀԱՐՑԵՐ ԵՎ ՊԱՏԱՍԽԱՆՆԵՐ

- Հարց. Համայնքի ներկայացուցիչը հետաքրքրվեց՝ արդյոք նախատեսվող գործունեությունը կարող է ազդեցություն ունենալ ցրի որակի վրա:

Պատասխան. Նշվեց, որ գործունեությունը կիրականացվի ընկերության կառավարման և/կամ սեփականության իրավունքի ներքո գտնվող տարածքներում, և աշխատանքների կազմակերպման բոլոր փուլերում (շինարարական և շահագործման) բացառվելու է որևէ անկառավարելի ազդեցություն շրջակա միջավայրի վրա:

- Հարց. Համայնքի ներկայացուցիչը հարց բարձրացրեց առկա ջրերի քանակի և դրանց հնարավոր նվազման վերաբերյալ:

Պատասխան. Ներկայացվեց, որ ընկերությունը արդեն ունի գործող ջրօգտագործման թույլ (ՋԹ), որը տրամադրվել է լիազոր մարմնի կողմից՝ ուսումնասիրելով տարածքում առկա ազատ ջրաքանակը և անհրաժեշտ ջրառի ծավալները: Ընդգծվեց, որ օրենքի պահանջով նախագծով նախատեսված է ջրաչափերի (օնլայն հսկման) տեղադրում թե՛ ջրառի, թե՛ մնացորդային հոսքերի վրա, ինչը թույլ կտա խախտումներ բացառել:

- Հարց. Հնչեց հարց՝ արդյոք նախատեսվող գործունեությունը կարող է ազդել հոսանքն ի վար գտնվող ձկնաբուծարանների վրա:

Պատասխան. Նշվեց, որ շինարարական աշխատանքների ընթացքում գետի ջրի որակական և քանակական բնութագրիչների փոփոխություն չի նախատեսվում, և նման ազդեցություն չի լինի նաև շահագործման փուլում:

ԱՌԱՋԱՐԿՈՒԹՅՈՒՆՆԵՐ

1. Վարչական ղեկավար Է. Եղոյանը իր ելույթում ընդգծեց, որ տարածաշրջանը գտնվում է սոցիալ-տնտեսական բարդ իրավիճակում, և ցանկացած նոր աշխատատեղ կարևոր է համայնքի համար: Միևնույն ժամանակ նա կարևորեց, որ գործունեությունը իրականացվի օրենքով սահմանված կարգով և առանց էական բնապահպանական ազդեցության:

Վահագնաձոր բնակավայրի վարչական ղեկավար Է. Եղոյան

<<ԷՎԵԼ ՊԻՍ>> ՍՊ ընկերության տնօրեն՝ Ա. Ալեքսանյան

